

“Чирчиқ” кимё-индустриал технопаркида янги резидент янги турдаги маҳсулотлар ишлаб чиқаради

// 16.01.2025

<https://uzkimyosanoat.uz/uz/press/news/chirchiq-kimyo-industrial-tehnoparkida-yangi-rezident-yangi->



Бугун “Чирчиқ” кимё-индустриал технопаркида “DH MEDIA TECH” хорижий корхонасининг “Очиқ эшиклар куни” тадбири бўлиб ўтди.

Корея Республикасининг “DH MEDIA TECH” компанияси негизда ташкил этилган “DHMT GLOBAL” МЧЖ хорижий корхонаси 2024-йил декабр ойида “Чирчиқ” кимё-индустриал технопарки резиденти сифатида ўз фаолиятини бошлади. Корхона Ўзбекистонда илк бор импорт ўрнини босувчи янги турдаги аудио тизимлар ва овоз кучайтириш мосламаларини ишлаб чиқаришга ихтисослашган.

  [uzkimyosanoat](https://uzkimyosanoat.uz)

  uzkimyosanoat.uz

 (+99878) 140-74-26



Маълумот ўрнида таъкидлаш жоиз, “DH MEDIA TECH” компанияси 1994-йилдан буён “Kompt” бренди остида аудио тизимлар, жумладан, микрофон, колонка, овоз кучайтириш мосламалари, аудио микшерлар, конференция тизимлари, аудио эквалайзерлар, DJ ва овоз ёзиш ускуналари, радио тизимлар каби ўндан ортиқ маҳсулотлар ишлаб чиқаради.



Бугунги кунда лойиҳа доирасида 2 млн АҚШ доллари қийматидаги тўғридан-тўғри хорижий инвестициялар ўзлаштирилди ва 30 та янги иш ўринлари яратилди.



Мамлакатимизда илк бор маҳаллий бренд остида аудио тизимлар – микрофон, колонка, овоз

кучайтириш мосламалари каби бир қатор юқори қўшилган қийматга эга маҳсулотлар ишлаб чиқариш йўлга қўйилди.



“Очиқ эшиклар куни”га идора ва ташкилотларнинг аудио тизимлар билан шуғулланувчи вакиллари ҳамда тадбиркорлик субъеклари таклиф қилинди. Тадбир доирасида таклиф этилганлар корхона томонидан импорт ўрнини босувчи аудио тизимлар ишлаб чиқариш технологик жараёнлари билан таништирилди, шунингдек, тақдимотлар ўтказилди.



"Ўзкимёсаноат" АЖ Матбуот хизмати